



**Minneapolis Lub Tuam Tsev Hauj Lwm  
Ntsig Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Nab Npawb:  
5-300

**Xuv Tsib – Tsab Cai Hais Txog Kev Coj thiab Kev Siv Dag Zog**

**Kev Siv Dag Zog**

**5-308 Txoj Hauv Kev Xaiv Tswj- Cov Pa Tshuaj Khes Mis**

(xx/xx/23)

Kev hloov kho cov cai ua ntej: (10/16/02) (08/17/07) (10/01/10) (09/04/12) (06/10/13)  
(06/16/20) (08/21/20) (09/08/20) (12/22/20) (04/04/21) (01/01/23)

**I. Lub Hom Phiaj**

Lub hom phiaj ntawm txoj cai no yog los nthuav dav cov cai teeb tseg ntawm lwm cov cai kev siv dag zog, tshwj xeeb tshaj yog tau cuam tshuam rau cov pa tshuaj khes mis.

**II. Cov Ntsiab Lus Txhais**

**Cov lus uas muaj ntsiab lus nyob rau hauv P&P 5-304:**

- Nqa
- Xa
- Tso Tawm
- Qhia Tawm
- Muaj Kev Koom Rog Tus Neeg Phem
- Taw Tes
- Siv

**III. Txoj Cai**

**A. Txoj Cai thiab Cov Kev Cai Kev Taw Qhia**

Dhau ntawm cov yam tshwj xeeb nyob rau hauv txoj cai no, cov neeg ua hauj lwm yuav ua raws li cov cai teeb tseg ntawm txhua lwm txoj cai uas siv tau, uas suav nrog tab sis tsis tag rau, Cov Kev Cai Kev Taw Qhia thiab lwm cov qauv cai nyob rau hauv P&P 5-301.

**B. Cov Pa Tshuaj Khes Mis Ua Kev Siv Dag Zog Uas Muaj Kev Phom Sij Txog Txoj Siab Tsawg**

Cov pa tshuaj khes mis yog ib yam khoom siv rau kev siv dag zog uas muaj kev phom sij txog txoj sia tsawg uas tsim ua rau muaj kev pheej hmoo siab rau qee tus neeg.

### C. Cov Pa Tshuaj Khes Mis Uas Lub Tuam Tsev Hauj Lwm Tau Tawm

Tsuas yog MPD cov tub ceev xwm xwb thiaj li tau txais kev tso cai nqa cov taub pa tshuaj khes mis uas lub tuam tsev hauj lwm tau tawm. Cov pa tshuaj khes mis uas yog khoom ntiag tug, los sis cov uas tau tawm los ntawm lwm lub chaw sawv cev, yog yuav tsis tau txais kev tso cai nqa los sis siv thaum uas MPD tus tub ceev xwm tab tom ua kev nqis tes raws li lawv lub luag hauj lwm MPD uas raug raws cai.

### D. Kev Ua Raug Raws Li Txoj Cai thiab Kev Cob Qhia

Cov tub ceev xwm tsuas siv cov pa tshuaj khes mis nyob rau tus yam ntxwv uas tsis muaj kev ntxub ntxaug, thiab tsuas siv thaum qhov kev siv dag zog uas hais los ntawd muaj zoo laj thawj uas muaj kev ncaj ncees thiab raug raws li MPD li kev cob qhia tam sim no thiab MPD cov cai uas kav tswj kev siv dag zog (suav nrog txhua tshooj nyob rau hauv P&P 5-300) uas suav nrog thaum tau siv rau kev cais los sis pov thaiv cov neeg nyob ua npoj coob.

### E. Cov Kev Cuam Tshuam thiab Kev Sib Sau Ua Ke Ntawm Pej Xeem

Cov pa tshuaj khes mis, yam tsis quav ntsej txog qhov loj me ntawm lub taub ntim, yog tsuas raug tsuag tawm nyob rau ncuaj sij hawm cov kev cuam tshuam ntawm pej xeem thiab kev sau ua ke ntawm pej xeem thaum uas tau txais kev tso cai raws li P&P 7-805 xwb.

### F. Cov Yam Ntxwv Rau Kev Siv

#### 1. Cov neeg uas tsis raug txwv

Nyob rau cov xwm txheej uas tsis cuam tshuam rau cov kev cuam tshuam ntawm pej xeem los sis kev sib sau nyob ua ke ntawm pej xeem, cov pa tshuaj khes mis tsuas raug tsuag tawm nyob rau:

- a. Thaum qhov kev siv dag zog uas hais los ntawd muaj kev tsim nyog los pov thaiv tus tub ceev xwm, tus neeg phem, los sis lwm cov neeg kom txhob raug qhov kev ua phem fab lub cev ntaj ntsug uas yuav tshwm sim.

los sis

- b. Cov neeg phem uas Tab Tom Tiv Thaiv Yam Tsis Tu Ncuaj yog tias qhov kev ua tib zoo los tswj muaj tsawg zuj zus los sis yuav muaj kev siv tsis tau (saib raws li tshooj nyob rau hauv P&P 5-301 uas hais tias Kev Siv Dag Zog Yam Uas Muaj Zoo Laj Thawj Uas Muaj Kev Ncaj Ncees Uas Raug Raws Li Txoj Cai, Kev Cai Lij Choj thiab Kev Cob Qhia).

#### 2. Cov neeg uas nyob rau hauv cov kev txwv

- a. Cov tub ceev xwm yuav tsis siv cov pa tshuaj khes mis rau tej tus neeg uas raug xauv tes los sis raug muab ceev cia, tshwj tsis yog tus neeg uas muaj kev tso hem thawj fab

lub cev ntaj ntsug rau kev nyab xeeb ntawm tus tub ceev xwm, los sis tus neeg ntawd lawv tus kheej, los sis lwm tus neeg uas tab tom yuav tshwm sim.

- b. Ua ntej siv cov pa tshuaj khes mis rau tib neeg, cov tub ceev xwm yuav tsum tau ua zoo tswj tus neeg ntawd ntxiv uas siv cov qauv cai kev tswj uas siv tes taw qhuav los sis cov tev niv kev tswj uas ntes thaum mus tau.
- c. Cov tub ceev xwm tsuas siv tau cov pa tshuaj khes mis rau tib neeg thaum tub ceev xwm tau ua txhua nrho cov qauv cai kev tswj uas siv tes taw qhuav los sis cov tev niv kev tswj ntes uas mus tau lawm xwb, thiab yog tias tseem muaj kev tso hem thawj fab lub cev ntaj ntsug uas tab tom yuav tshwm sim.

3. Kev tsis kam ua raws li tub ceev xwm hais

Cov pa tshuaj khes mis yuav tsis raug tsuag tawm rau cov tib neeg uas Ua Raws Cai los sis Tsis Kam Ua Raws Li Tub Ceev Xwm Hais raws li tau hais tseg nyob rau hauv txoj cai.

4. Kev noj tshuaj muaj yees

Txwv tsis pub tsuag cov pa tshuaj khes mis txhawm rau pov thaiv kev noj tshuaj muaj yees.

**G. Kev Siv Cov Pa Tshuaj Khes Mis**

1. Yuav tsum tau muaj kev ceeb toom

Cov tub ceev xwm tsuas siv cov pa tshuaj khes mis tom qab tau txais kev ceeb toom txaus, thaum mus tau xwb.

2. Rov ntsuam xyuas dua tom qab raug pa tshuaj khes mis

Cov tub ceev xwm yuav tso tseg kev siv lub taub tshuaj tsuag thaum tus neeg los sis cov tib neeg raug pa tshuaj khes mis lawm, txhawm rau rov ntsuam xyuas dua qhov xwm txheej thiab qib kev tso hem thawj thiab txiav txim seb puas muaj kev tsim nyog rau kev siv lub taub tshuaj tsuag txuas mus ntxiv lawm.

3. Tsuas yog cov neeg uas xav kom chwv xwb thiaj li chwv cov pa tshuaj khes mis

MPD cov neeg ua hauj lwm uas tau cog lus yuav tau ua zoo ceev faj txhawm rau ua kom ntseeg siab tias tsuas yog cov neeg uas xav kom chwv xwb thiaj li chwv cov pa tshuaj khes mis.

**H. Kev Kho Mob thiab Kev Pab Rau Kev Nphav Raug Pa Tshuaj Khes Mis**

1. Dhau li ntawm kev kho mob uas raug raws li tus qauv cia tom qab siv dag zog (saib raws li P&P 5-301) lawm, kev kho mob tom qab kev nphav raug ntawm tus neeg uas tau nphav

raug cov pa tshuaj khes mis yuav suav nrog rau ib yam los sis tshaj ib yam ntawm cov txuas mus no:

- Kev tshem tus neeg uas raug feem cuam tshuam tawm ntawm qhov chaw uas nphav raug.
  - Kev nthuav tawm tus neeg uas raug feem cuam tshuam rau cov huab cua tshiab.
  - Kev ntxuav ob lub qhov muag thiab tawv nqaj ntawm tus neeg uas raug feem cuam tshuam uas siv cov dej txias (yog tias muaj).
2. Cov neeg ua hauj lwm uas tau cog lus yuav tsoom kwm saib xyuas tus neeg uas nphav raug cov pa tshuaj khes mis yam tsis tu ncuab kom txog thaum tso lawv mus rau tus neeg ua hauj lwm fab kev kho mob los sis lwm tus neeg ua hauj lwm ntawm chaw yuam siv kev cai lij choj.
  3. Tus tub ceev xwm uas tau tsuag tawm cov pa tshuaj khes mis rau tus neeg yuav tau ceeb toom mus rau lub chaw lees txais kev saib xyuas tias tau tso pa tshuaj khes mis rau tus neeg ntawd lawm.